



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Odluka
o proglašenju i sufinansiranju 4. Godišnjeg samita B40 Mreže balkanskih gradova
pod nazivom „B40 Sarajevo Samit“
kao događaja od posebnog interesa i međunarodnog značaja za Grad Sarajevo
(Prijedlog)

Predlagač: Gradonačelnica
Obradivač: Stručna služba za protokolarne
poslove, odnose s javnošću i međunarodnu
saradnju

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na sjednici održanoj dana __.__.2024. godine, donijelo je:

(Prijedlog)

**Odluku
o proglašenju i sufinansiranju 4. Godišnjeg samita Mreže balkanskih gradova B40
pod nazivom „B40 Sarajevo Samit“
kao događaja od posebnog interesa i međunarodnog značaja za Grad Sarajevo**

Član 1.

Ovom odlukom Gradsko vijeće Grada Sarajeva proglašava i učestvuje u sufinansiranju 4. Godišnjeg samita Mreže balkanskih gradova B40 pod nazivom „B40 Sarajevo Samit“ kao događaja od posebnog interesa i međunarodnog značaja za Grad Sarajevo, koji će se održati u glavnom gradu Bosne i Hercegovine, uz finansijske obaveze Grada Sarajeva u ukupnom iznosu od 200.000,00 KM.

Član 2.

Sredstva iz člana 1. Odluke namjenski se usmjeravaju za sufinansiranje troškova organizacije događaja, a gradonačelnica Grada Sarajeva se ovlašćuje da provede potrebne postupke i procedure u cilju efikasne realizacije događaja navedenog u članu 1. ove odluke.

Član 3.

Sredstva se odobravaju iz Budžeta Grada Sarajeva za 2024. godinu („Službene novine Kantona Sarajevo“, br. 55/23 i 13/24) sa pozicije 613 900: Ugovorene i druge posebne usluge: Organizacija 4. Samita Mreže balkanskih gradova B40.

Član 4.

Za realizaciju ove odluke zadužuje se gradonačelnica Grada Sarajeva.

Član 5.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __.__. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Mrežu balkanskih gradova B40 (u daljnjem tekstu: Mreža B40) osnovao je gradonačelnik Istanbula Ekrem İmamoğlu, na skupu balkanskih gradova održanom u Istanbulu 30. novembra 2021. godine, pod motom „Bolja saradnja, bolja budućnost“.

Mreža B40 je međunarodno udruženje gradova regiona Balkana koji zajedno rade na promoviranju mira, stabilnosti i kvaliteta života za sve stanovnike koji žive u državama među kojima su Albanija, Bosna i Hercegovina, Bugarska, Crna Gora, Grčka, Hrvatska, Sjeverna Makedonija, Rumunija, Slovenija, Srbija i Turska.

B40 Mreža je međugradska organizacija sa zajedničkom vizijom za evropsku budućnost i ciljem unaprjeđenja i proširenja saradnje među gradovima regiona Balkana; promovira uspostavljanje ravnopravnog i djelotvornog partnerstva među gradovima članicama u nadi da će podijeliti iskustva i inovativna rješenja za donosioce odluka na lokalnom nivou; prepoznaje da dobro upravljanje zahtijeva otpornu, demokratsku, transparentnu i inkluzivnu lokalnu upravu zasnovanu na podacima, nauci i zajedničkoj mudrosti.

Članovi B40 Mreže koji do danas broje 57 gradova i imaju tendenciju povećanja, ujedinili su se kako bi izgradili zeleniju, pravedniju i životniju budućnost koja se temelji na miru, stabilnosti, demokraciji, ljudskim pravima, pluralizmu i vladavini prava na Balkanu i u Evropi.

Godišnji samit događaj je na najvišem nivou B40 Mreže i organizira se u januaru svake godine u gradu koji predsjedava Mrežom. Gradovi koji su od osnivanja predsjedavali B40 Mrežom su Istanbul 2022., Atina 2023. i Tirana 2024. godine.

Na trećem Samitu održanom u Tirani u januaru 2024. godine donesena je B40 Deklaracija kojom se Sarajevu dodjeljuje uloga domaćina četvrtog Samita te samim tim i predsjedavanje B40 Mrežom tokom 2025. godine. Samit traje minimalno jedan i pol dan uz učešće gradonačelnika gradova članova i delegacija u pratnji. Sve procese vezane uz organizaciju Godišnjeg samita, kao i sastanaka četiri radne grupe unutar B40 tokom 2025. godine, zajednički koordiniraju grad domaćin i Stalni sekretarijat B40 Mreže.

Grad Sarajevo kao domaćin poduzet će sve što je potrebno za uspješnu organizaciju „B40 Sarajevo Samita“.

Shodno iznesenom te cijeneći značaj ovakvog događaja za Grad Sarajevo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2024. godinu, sa pozicije 613 900: Ugovorene i druge posebne usluge: Organizacija 4. Samita Mreže balkanskih gradova B40.